



La Banca chantunala grischuna possibilitescha ensemen cun il Project en favur dal gaud da muntogna 60 jobs da stad per giuvenils.

MAD

60 jobs da stad per giuvenils

La BCG ed il Project en favur dal gaud da muntogna porschan era uonn jobs per giuvenils

■ (cp) **Jobs da stad raschunavels e pajads per giuvenils en stgars ozendi. La Banca Chantunala Grischuna (BCG) ed il Project en favur dal gaud da muntogna dattan cuntrapaisa e lantschan durant las vacanzas da stad d'novamain emnas da project en quatter lieus en il Chantun. 60 mattas e mats da quindesch fin deschnov onns pon ussa s'annunziar per in'emna da lavur en il gaud da muntogna grischun.** Mattas e mats interessads han a partir d'immediat la pussaivladad da s'annunziar per in job da stad en il gaud da muntogna. Ils lieus d'acziun da quest onn sa chattan a Cuira, Claustra, Panaduz e Tumein. Durant in'emna il fanadur e l'avust contri-

bueschan las 60 participantas e participants ensemen cun ils selviculturs dal Project en favur dal gaud da muntogna a mantegnair la funcziun da protecziun multifara dal gaud da muntogna. Els construeschan vias d'inspeziun, fan saivs cunter ruissas da selvaschina u plantan pitschnas plantas. Per lur engasch dad in'emna obtegnan las giuvnas lavurers ed ils giuvenils lavurers in daner da giaglioffa da 500 francs.

Las emnas da project cuminaivlas da la Banca Chantunala Grischuna e dal Project en favur dal gaud da muntogna han lieu quest onn per la quarta giada. Cun ses engaschi contribuescha la Banca Chantunala Grischuna a la tgira dal gu-

aud da muntogna sco spazi da protecziun e da viver absolutamain necessari. Il Project en favur dal gaud da muntogna è ina fundaziun d'utilitad publica cun sedia a Trin. Sia finamira è da tgirar e da mantegnair il gaud da muntogna. El è il partenari ideal, cunquai che sia idea sa cunfa bain cun la politica da persistenza da la BCG. Il medem mument pon ils giuvenils passentar grazia als jobs da stad in'emna da project raschunavla e pajada durant lur vacanzas. Mattas e mats motivads tranter quindesch e deschnov onns che lavuran gugent en in team e che vulan s'engaschar per il gaud da muntogna grischun s'annunzian fin il 1. da matg sut gkb.ch/sommerjobs.